



Broj: 01/1-50-1-7/07

Sarajevo: 05.04.2007.

Z A P I S N I K
sa 7. sjednice Ustavnopravne komisije

Sjednica je održana 05.04.2007.godine s početkom u 11,00 sati.

Sjednici su prisustvovali članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Martin Raguž i Slavko Martić.**

Član Komisije **Vahid Hećo** je bio odsutan sa 7. sjednice Ustavnopravne komisije zato što mu je istekao mandat u PS BiH imenovanjem za ministra u Vladi Federacije BiH..

Pored članova komisije sjednici su prisustvovali: Sredoje Nović - Ministar civilnih poslova; Lakomica Nina - Istraživački centar PSBiH; Suad Salkić- OSCE; Maja Ribar- OHR; Nada Zukić- OHR - Legal; Alma Smajlović - OSCE-Legal; Mirjana Malić - Poslanik; Esma Hadžagić- Ministarstvo civilnih poslova; Godinjak Šerifa - Ministarstvo civilnih poslova; Hamed Mešanović- Komisija za koncesije BiH i Daria Duilović - OHR.

Sjednici je prisustvovao Milan Zjajić, koji je obavljao poslove sekretara Komisije i pripravnik Đenita Pašić zaposlena u Sekretarijatu PS BiH i student stažista Ajdin Brčaninović.

Sjednica je završena u 14,10 sati.

Predsjedavajući je predožio, a Komisija jednoglasno prihvatila sljedeći:

D N E V N I R E D:

1. Verifikovanje Zapisnika sa 6. sjednice održane 28.03.2007. godine;
2. Prijedlog zakona o dopunama Zakona o industrijskom vlasništvu u BiH, predlagači Selim Bešliagić i Mirjana Malić (Usaglašenost sa Ustavom BiH i principi)
3. Prijedlog zakona o visokom obrazovanju u BiH, predlagač Vijeće ministara BiH, po zaključku Predstavničkog doma sa 5. sjednice od 15.03.2007.;
4. Prijedlog okvirnog zakona o predškolskom vaspitanju i obrazovanju u BiH, predlagač Vijeće ministara BiH;
5. Prijedlog zakona o Agenciji za predškolsko, osnovno i srednje obrazovanje u BiH, predlagač Vijeće ministara BiH;
6. Prijedlog zakona o radijacionoj i nuklearnoj sigurnosti u BiH, predlagač Vijeće ministara BiH, po zaključku Predstavničkog doma sa 5. sjednice od 15.3.2007.;
7. Prijedlog zakona o izmjenama i dopunama Zakona o koncesijama BiH, predlagač Momčilo Novaković, po zaključku Predstavničkog doma sa 5. sjednice od 15.3.2007.;
8. Ostala pitanja.

Ad. 1. Verifikovanje Zapisnika sa 6. sjednice održane 28.03.2007. godine;

Bez primjedbi, Komisija je jednoglasno verifikovala Zapisnik sa 6. sjednice održane 28.03.2007. godine.

Ad. 2. Prijedlog zakona o dopunama Zakona o industrijskom vlasništvu u BiH, predlagači Selim Bešliagić i Mirjana Malić (Usaglašenost sa Ustavom BiH i principi)

Nakon provedene rasprave u kojoj su učestvovali Mirjana Malić, Momčilo Novaković i Enver Ajanović, Ustavnopravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o dopunama Zakona o industrijskom vlasništvu u BiH,
 2. Ponuđeni tekst zakona je usklađen sa Ustavom Bosne i Hercegovine i
 3. Ponuđeni tekst zakona se može uputiti u dalju zakonodavnu proceduru.
- Komisija je zatim jednoglasno prihvatila principe predloženog zakona.

Ad. 3. Prijedlog zakona o visokom obrazovanju u BiH, predlađač Vijeće ministara BiH, po zaključku Predstavničkog doma sa 5. sjednice od 15.03.2007.;

Nakon provedene rasprave o principima predloženog zakona u kojoj su učestvovali svi članovi Ustavnopravne komisije kao i ministar Civilnih poslova Sredoje Nović i Esma Hadžagić pomoćnik ministra, te Sekretar Ustavnopravne komisije Milan Zjajić, jednoglasno je utvrđeno je da se rasprava odgodi za 17.04.2007. godine, zbog toga što je ministar Civilnih poslova tražio da mu se ostavi dovoljno vremena da izvrši potrebne konsultacije i da se izjasni o predloženim amandmanima.

Ad. 4. Prijedlog okvirnog zakona o predškolskom vaspitanju i obrazovanju u BiH, predlađač Vijeće ministara BiH;

Nakon opšte i rasprave o pojedinostima u kojoj su učestvovali Momčilo Novaković, Drago Kalabić, Halid Genjac, te ministar Civilnih poslova Sredoje Nović i Esma Hadžagić pomoćnik ministra, Ustavnopravna komisija je kao nadležna komisija:

1. Konstatovala da su Momčilo Novaković i Drago Kalabić uložili amandmane na Predloženi zakon. Nakon provedene rasprave, u kojoj su pored članova Komisije učestvovali i predstavnici predlagača, Vijeća ministara BiH, Komisija je većinom glasova prihvatila jedan amandman (modifikovani amandman 3. Drage Kalabića), koji glasi:

Amandman I

U članu 18 stav 2. riječi "kantona, distrikta, općina i gradova" mijenjaju se riječima: "Republike Srpske, kantona u Federaciji BiH, Brčko Distrikta Bosne i Hercegovine, općina i gradova".

2. Komisija je većinom glasova, sedam glasova "za" i jednim "uzdržanim" prihvatila tekst Prijedloga okvirnog zakona o predškolskom vaspitanju i obrazovanju u BiH kako ga je predložilo Vijeće ministara BiH sa usvojenim amandmanom i
3. Konstatovala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Šefik Džaferović.

Ad. 5. Prijedlog zakona o Agenciji za predškolsko, osnovno i srednje obrazovanje u BiH, predlađač Vijeće ministara BiH;

Nakon provedene rasprave o prijedlogu zakona i predloženim amandmanima na zakon u kojoj su učestvovali Momčilo Novaković, Drago Kalabić, Martin Raguž, kao i ministar Civilnih poslova Sredoje Nović i pomoćnik ministra Esma Hadžagić, jednoglasno je utvrđeno da se rasprava odgodi za 17.04.2007. godine, kako bi nadležno ministarstvo bilo u prilici da kvalitetno prouči i onda se izjasni o predloženim amandmanima.

Ad. 6. Prijedlog zakona o radijacionoj i nuklearnoj bezbjednosti u BiH, predlađač Vijeće ministara BiH, po zaključku Predstavničkog doma sa 5. sjednice od 15.03.2007.;

Nakon rasprave o prijedlogu zakona i predloženim amandmanima u kojoj su učestvovali Ekrem Ajanović, Lazar Prodanović, Martin Raguž kao i ministar Civilnih poslova Sredoje Nović pomoćnik ministra Šerifa Godinjak, odlučeno je da se rasprava odgodi za sjednicu zakazanu 17.04.2007. godine i da se na nju pozove profesor Arif Smajkić kao predstavnik Međunarodne agencije za atomsku energiju iz Beča kako bi dao svoje stručne komentare i mišljenja.

Ad. 7. Prijedlog zakona o izmjenama i dopunama Zakona o koncesijama BiH, predlađač Momčilo Novaković, po zaključku Predstavničkog doma sa 5. sjednice od 15.03.2007.;

Član Komisije za koncesije BiH Hamed Mešanović je obrazložio pisano izjašnjenje o Predloženom zakonu ističući da se Komisija za koncesije BiH nije usaglasila oko amandmana na član 6.

stav 2. Molio je još malo vremena kako bi se Komisija za koncesije mogla usaglasiti o tom pitanju i istakao da bi nakon toga i uz prihvatanje ostalih amandmana mogao podržati predloženi tekst zakona. Rasprava o predloženim amandmanima je odložena za 17.04.2007. godine, a Drago Kalabić je prihvatio da bude formalni predlagač amandmana.

Ad. 8. Ostala pitanja

Kako nije bilo drugih pitanja predsjedavajući Džaferović je u 14,10 sati zaključio sjednicu.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović